

Na osnovu člana 76. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“ broj: 6/20), ugovorne strane:

1. Sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, koji zastupa predsjednik mr. Samir Kurtović, kao reprezentativni sindikat, i
2. Grad Tuzla, koji zastupa gradonačelnik Jasmin Imamović, dipl. pravnik, kao poslodavac,

dana 12.10. 2020. godine zaključuju

## **U G O V O R**

### **o pristupanju Kolektivnom ugovoru za službenike organa uprave i sudske vlasti u Federaciji Bosne i Hercegovine**

#### **Član 1.**

Ovim ugovorom Grad Tuzla pristupa Kolektivnom ugovoru za službenike organa uprave i sudske vlasti u Federaciji Bosne i Hercegovine („Službene novine Federacije BiH“ broj: 6/20), (u daljem tekstu: Kolektivni ugovor).

#### **Član 2.**

Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, kao reprezentativni sindikat, prihvata pristupanje Grada Tuzla kao poslodavca, Kolektivnom ugovoru.

#### **Član 3.**

Prihvatanjem ovog ugovora ugovorna strane saglasne su da će se prava i obaveze izvršavati na način kako je to Kolektivnim ugovorom uređeno, s tim da se od primjene Kolektivnog ugovora **izuzimaju:**

- a) odredbe člana 12. stav (1) Kolektivnog ugovora, koji se odnosi na dužinu trajanja godišnjeg odmora za koje će se primjenjivati odgovarajuće odredbe Zakona o državnoj službi u Tuzlanskom kantonu (“Službene novine Tuzlanskog kantona” broj: 7/17, 10/17, 10/18 i 14/18), (čl.52.stav (2) Zakona propisuje da godišnji odmor po svim osnovama ne može biti duži od 30 radnih dana) kao i kriteriji za utvrđivanje dužine godišnjeg odmora za koje će se primjenjivati odgovarajuća odredba Uredbe o poslovima osnovne djelatnosti, dopunskim poslovima osnovne djelatnosti i poslovima pomoćne djelatnosti iz nadležnosti organa državne službe u Tuzlanskom kantonu koje obavljaju državni službenici i namještenici, uslovima za vršenje tih poslova i ostvarivanje određenih prava iz radnog odnosa (“Službene novine Tuzlanskog kantona” broj: 9/17 i 11/17.) (čl. 50. Uredbe),
- b) odredbe člana 19. stav 1. alineja treća Kolektivnog ugovora, koja glasi “za sindikalne aktivnosti u trajanju od jedan dan u mjesecu”, za koje će se primjenjivati odgovarajuće odredbe Zakona o državnoj službi u Tuzlanskom kantonu (“Službene novine Tuzlanskog kantona” broj: 7/17, 10/17, 10/18 i 14/18) (čl.53. tačka”f.” Zakona) kojim je propisano plaćeno odsustvo za sindikalne aktivnosti u trajanju dužem od tri dana u mjesecu,

- c) odredbe člana 23. stav 6. i 7. Kolektivnog ugovora (Imajući u vidu, da Zakon održavnoj službi u Tuzlanskom kantonu („Službene novine Tuzlanskog kantona” broj: 7/17, 10/17, 10/18 i 14/18 ne predviđa mogućnost da državni službenik ili namještenik „privremeno obavlja i poslove drugog radnog mjesta uz naknadu“),
- d) odredbe člana 25. stav 1. Kolektivnog ugovora, za koje će se primjenjivati odgovarajuće odredbe Zakona o plaćama i naknadama u organima vlasti Federacije Bosne i Hercegovine (“Službene novine Federacije BiH” broj: 45/10, 111/12 i 20/17),(čl. 23. Zakona),

#### Član 4.

Ovaj ugovor stupa na snagu danom potpisivanja od strane ovlaštenih predstavnika ugovornih strana.

#### Član 5.

Ovaj ugovor je sačinjen u 4 (četiri) primjerka od kojih po 2 (dva) primjerka zadržava svaka ugovorna strana.

Za Grad Tuzlu

**Za Samostalni sindikat državnih službenika  
i namještenika u organima državne službe,  
sudske vlasti i javnim ustanovama u FBiH**

Gradonačelnik:

Predsjednik:

